

altiozem locum, si ad loca apta nata ad rem trāsmutantur. Ideo ex una forma multotiens diuersa procedunt iudicia, de hoc autē in alijs diximus aphorismis. 55

Non solum per reuolutiones annorum ciuitatis uel mūdi aut sectæ cognitionem futurorum habueris, oportet enim directio- nes ipsorum principiorum considerare. 56

Intestina bella & discordiæ ciuitatum per ascendenti directio- nem & gloriam & dominium per circulum directum conside- randa sunt. Habent enim maximum effectum, quando directio- nes cum reuolutionibus concordant. 57

In qualibet reuolutiōe ciuitatis uel regni, in qua signum ascē- denti ceciderit in partitione octauæ, & directio illius temporis ibi in octaua existens, & Mars, crudelissimas esse discensiones & effusionem sanguinis in illa iudicandum est. 58

Mouentur noua mala in ciuitate, quando directio peruenerit ad quadraturam, uel ad oppositiones infortunarum peioraq; quando ad ipsas infortunas directio peruenerit retrogradante, infortuna non existente significatrice in radice illa, scilicet, ascē- denti ciuitatis, nam suis non tantum nocet. Pessimum omniū si directio ad ipsas infortunas simul cum ipsis & ascendente, ut diximus in locis timendis ceciderit, & maxime in octaua. 59

Figura natiuitatis erecta per instrumentum siue per astrola- bium, & si discordauerit cum aminodar tenenda est pro radice, tamen iterum dirigenda est secundum locum aminodar, & am- babus utere in reuolutionibus, ut per accidentia annorū te cer- tifices in fortiori hora dico quādo distantia sunt non parua atq; notandæ, cum mutantur facies uel signum. 60

Directiones etiam fiendæ sunt per gradus æquales, uel ut de parte fortunæ, ut magis rimatum iudicium perueniat, quanquā omnimodæ non admittendæ sunt directiones antiquorum iam superius descriptæ, considerandæ etenim sunt utræq;. 61

Fortior est figura reuolutionis aut radicis quā fridariæ de- scriptæ & diuisores à multis si simul contrariantur. 62

Nullus effectus siue paruus à reuolutione, uel ab alijs significa- toribus